

NAMIBIA SENIOR SECONDARY CERTIFICATE

FIRST LANGUAGE RUMANYO ORDINARY LEVEL

4109/1

PAPER 1 Reading and Directed Writing

2 hours 30 minutes

Marks 70

2018

Additional Material: Answer Book

INSTRUCTIONS AND INFORMATION TO CANDIDATES

- Write your answers on the Answer Book provided.
- Write your Centre Number, Candidate Number and Name in the spaces on the Answer Book.
- Write in dark blue or black pen.
- Do not use correction fluid.
- Answer **all** questions.
- Pay attention to spelling, punctuation and sentence structure.
- The number of marks is given in brackets [] at the end of each question or part question.

MARONDORO NAMAPUKURURO KUMUHAMENI MUMAKONAKONO

- Tjanga malimburo ghoye muMbapira ya Kulimbwilira oyo vana tapa.
- Tjanga Nomora yaLivango, Nomora yaMuhameni Mumakonakono naLidina paMbapira ya Kulimbwilira.
- Tjanga nashitjangito shashinaliwiru nampiri shashishovagani.
- Wa sha rughanita shidongonito shamema-mema.
- Limburura mapuro **nagbantjeya**.
- Kara nashinka kulishantjo, viyivitovaruro narutjangito.
- Vitwa vya pwa kare kutura mutuhaki [] kuuhura wakehe lipuro nampiri muruha rwalipuro.

This document consists of **6** printed pages and **2** blank pages.



Republic of Namibia

MINISTRY OF EDUCATION, ARTS AND CULTURE

LIPONGONYONO A

Varura shivarurwa osho makura u limburure mapuro oghe ghakakwamo ko.

Shivarurwa 1

Mudani washikoda muAfrika-Ucuma

Natalie du Toit kwakalire naukonentu wapashinantjiwe a ya kara nandjodi ya kukuhamitira mukukarumbatana muOlympics ghuye shimpe mukadonaghona. Lifumano lyendi naungwenya mumaudano kwatamikilire mu 1998 mpopo a ka kalilire po shirongo shaAfrika yaUcuma mumarumbatano ghaCommonwealth Games uye kunyara mwaka ronane (14).

Muruku rwamwaka ntatu, ndjodi yamukadona ghuno Natalie yakuhamena kuOlympic mpo yarumbwangelire mpopo va mu tetilire lighuru lyendi mungoro mukonda yakukuhamitira mushiponga. Shiponga shinya kapi shadonganitire lirwameno lyandjodi yendi. Napa a kalire mushipangero mushani ghunya wamwaka rona ntambiri (17) kwashwenine kugcakwita ndjodi yendi.

"Vakurona vande navaholi vande vamwe ka vaghambanga ashi ame kani kudjendjanga kumbambara dambete mukutwikira nalikudeuro lyande mukonda yamarumbatano ghavafundi ghamuOlympic pepi ghana kara", a vhuruka Natalie.

Mukukara Du Toit uye shimpe shirema naunkundi aya shwenine mukupulitira mpepo dakukadonganita maghano ghendi. "Ame shimpe na kuvhuruka omo kani shananga, ngoli vyanditopelire mukupiruka kushana lighuru limwe," a vhuruka Natalie. "Na vyukilire mumukara wakuyoghanena nakukudeura navanuke ntani kuna kuvhuruka nawa-nawa omo kani fundanga vanuke vavakurona kukwande navantje. Pantantani ame mukurona vana kufunda vanuke mbyo nashanine ni kumbambangere kumeho ni kare shimpe mushani wamunene ovyo mbyo narughanine." Muruku rwamwedi dangadi rwamakudeuro ghendi, gha vyukiri nka mumarumbatano. Mumarumbatano ghashinema 10 000 metera uye kwa ya kalire wamurongo nantayimwe mwavarombiri nane mpo a vyukire kuAfrika yaUcuma, naliguvo lyalinene mumarumbatano yendi.

Shimpe vya ya mupulitilire mu marumbatano ghakuhulilira mushinema sha 800 metera shaCommonwealth Games mu 2002. Oshino ntjo shikando shakuhoverera muvitimwitira ana kukuhamitira mo shirema nava vavawawa mumarumbatano ghakuhulilira ghamtambo yaudjuni ghakushana. Kuuhura wamarumbatano, Natalie mpo va mu yengire nandjapo yakuhoverera yalidina David Dixon yakamanakandongo mumarumbatano ghanya.

Mu 2004, kuruku rwamwaka ntatu rwashiponga she, mpo a ka ketire medaliye dangorodo ntano mumarumbatano ghavirema mushirongo shaGereke. Muruhulilira a vhulire ku ya dimburura shitambo shendi shakundaghandagha mu 2008 muBeijing, mpopo aya neyidire upenda wendi mukukara mukadona washirema wakuhoverera oghe a rumbatanino nava vavawawa. "Mukukapulitira ghu ka kuhamitire mumarumbatano ghaOlympic Games kwakaranga shirughe sha kuvhura u tete maruntjodi yira muntu ana kurondo ndundu yayire unene muudjuni, Mount Everest," a tanta Du Toit. "Vino kwandjuvhikilire yira kasha vi kare uhura vaudjuni," a weda ko.

Likukarero lyavitompura lyapanaumwendi lyaya tjindjire Natalie du Toit na kuyamupa shikoda mukatji kavantu muAfrika yaUcuma nakumwe ngoweyo. Mukatji kavarwana vakuhova ovo vavhuliro kudimburura mfumwa yendi kwa kalire President wakuhovera waAfrika yaUcuma, Nelson Mandela, nankwami yendi President Thabo Mbeki oghe a kangayikiro shikoda shendi pantambo yashirongo. Mushani wamunene lifundo lyendi va ya lidimburulire pashilika shalitapero ndjambo yalidina yaLaureus mukutjora po makushuvo pakatji kavirema nava vavawawa mumaudano.

Mu 2012, Du Toit kwa kuwapayikilire mukukarumbatana muLondon omo a ghambire ashi uye kuna kuyenda aka neghede shikando shakuhulilira mumarumbatano ghapantambo yaudjuni, nampiri ngoweyo a kalire ana kuwapayikiri mukuyenda mulipwiyumuko kapi a kalire nantjinyaghoma. Shimpe nda a karera nalirwameno mukukarumbatana muOlympics ntani ana shana nga ka kete marumbatano naghantje ntambiri ghavirema naruhafo nalikukangango.

Nangeshi Natalie kapi ana kukuhamitira mudeura, ka horanga mukurughanita ruvede rwendi muprojeka damakushongo nakukakuhamitira mulikukwamo lyakusheshupita vishorokwa vyakurova mumema munkarapamwe davahepwe muAfrika yaUcuma.

“Na ya dimburulire ashi mulyo unene mukukupa maghano ntani nasho nka shimwe osho ngani kara nasho muliparu lyande nalintje mukumona vanantjoka vana kushano okuno vadeghuliti kuna kukondja kuva shonga mwakushana,” a ghamba Du Toit. Ovyo ne mbyo vyamulyo po mukutapatana mbudi nakuyirughanita kehe liyuva.

Ovyo vyatwalidiliro Natalie aka kare mutompoli wamunene wavirema mushirongo shaAfrika yaUcuma ruvede naruntje mbyo ana karere muntu wamulyo mumatimwititi ghamaudano.

(© Cook, M.J.)

- 1 Limburura lipuro 1 (a) dogoro (c) pakutjanga tupu nomora yalipuro nandanda yalilimburo oyo una tovorora po. Shihonena (a) A.
 - (a) Vyakuneghedire kuntundiliro ashi ndjodi yaNatalie ya Olympic kapi kasha yi tike muuta wakora mukonda ...
 - A a gwanikilire naurema waunene.
 - B a kalire mukurona mukukuhamitira mo.
 - C kapi a wanine lideuro lyakugwanena.
 - D kapi a wanine makwatito ko kuvalikoro. [1]
 - (b) Mukonda munke mwaka 2008 wakalilire mulyo unene kwaNatalie?
 - A A ketire medaliye ntano mumarumbatano ghapaudjuni.
 - B A tikire kughuhura wamaundano ghavirema.
 - C Mupulitirwa a hamene mumaudano ghaOlympic nava vavawawa.
 - D Mupulitirwa mumaudano ghaCommon wealth Games. [1]
 - (c) Makambadaro ghaNatalie mulikuhamitiro lyakuvhonga maudano kwaghadimbwilire paveta mpopo ...
 - A va mu pire ndjapo paveta.
 - B va mu pire shirughana a yendite proyeka yashirongo.
 - C va mu pire virughana mulipangero.
 - D va mu yitire a ka dingure presidente. [1]
 - (d) Vinke vina kutanta "Kuyenda naruhafo nalikukangango". Kutwaro muukalimo washivarurwa shino? Twenya ko vineghedo **viviri**. [2]
 - (e) Mukonda munke Natalie a shetakanitilire lipulitiro lyendi kuOlympic nakuronda Mount Everest? [1]
 - (f) Dimburura nakufwaturura ntanto mbiri odo a rughanita mutjangi mukukenita litokomeno lyaNatalie li katike muuta wakora. [4]

[10]

- 2** Ove kwakara naunyoye oghe a karo naupampi mumaudano ghangandi, mukonda yaudito wangandi mbyo ana kughayara kukughupa ko kumaudano. Rughanita maghano namaghushiri ghashitimwitira shaNatalie, nakutjanga ntjangwatumwa yamakorangedo kwaunyoye a twikire nashirughana shamaudano.

Nkango doye mukutjanga ntjagwatumwa di tike pakatji ka **200 - 250**.

[20]

LIPONGONYONO B

Varura shivarurwa osho makura u limburure mapuro ogho ghakakwamo ko.

Shivarurwa 2

Shirume shentja

Wilma Rudolph (1940-1994) kwayivikwire ashi ndje kamana kandongo (ngwenyakadi) muudjuni mumwaka dinya da 1960. Uye nka mukamali wakutanga wamuAmerika kuketa medaliye dangorodo 3 munda napandje yashira shamaudano mumwaka dinya 1960 mumarumbatano ghamaudano ghaOlympics. Ghuno ngo nka mwaka va hovililire kunegheda marumbatano ghamaudano ghaOlympics mwayendo undjuni kutelevisi. Vino vya vatelire unene Wilma a kare mutumbuki/mufumani muudjuni mudima. Mumwaka dinya da 1960 mumaudano gha Olympics muRoma, kwayivikwire ashi 'shirume Shentja' (The black Pearl).

Wilma kwamu pire mfumwa morwa kurenkita likuturomo lyavakamali mumarumbatano ghavivyapandje (kuduka) ghafumane muAmerika. Mukamali ghuno kwayivikwire nka ashi umwe ogho a kutuliro mo mukunomena kwevi vyaliparu, mutoti walikondjero untu wamuntu, ntani namaghuwa ghavakamali.

Wilma mumakuraghi ghendi kwapitire mumaupyakadi ghakukushuva-shuva. Ghuye kwa mu shampurukire a hana kugwanitamo makwedi (shipirima). Likutondovoro lyaparudi muruvde runya vyarenkitire Wilma navawina Blanche va shwene kuvapulitira va kare muvipangero vyapepi dogoro nga tikilire mo makwedi. Valiro lyaWilma kapi va vhulire kufuta nampiri ndokotere wamutipu ndjeghu. Vino vyarenkitire ngoli valikoro navawina vaWilma va pakere mbiri nashinka ukanguki nalitikito mo nawa makwedi ghamwanuke unya.

Muwanuke wendi, Wilma kwakalire naunkundi, wakukaghura tunda uvera yenda uvera yira, kakuti, kapundja, kupyaghana ngudu nakugehaghana shipapa, rukuru, nauvera wakuyavama mapunga mumema. Pamwaka ne (4), Wilma mpo wa mu wanine urema shayititanga po shimbumburu shauvera wamukongo. Nampiri momo a ya verukire muruku kuurema washimbumburu shino, kadwatanga shikugho shakukwata lighuru lyendi lyarumontjo nakumpadi a vhure kuyenda.

"Ndokotere wande a hupulitire ashi ngani kufera kuyenda nka, ano vanane a va huguvalita ashi ngani yenda. Na pulire vyavanane".

Wilma kwakalire navakalikoro vashihoro nashinka, vawina kava mu twaranga kushipangero shaghure wakilometa rontano (50 km) ruviri mushivike mughure wamwaka mbiri (2) dogoro a ya vareke kuyenda a hana kudwata shakuyendita. Ndokotere a nangwililire Blanche degghura dimwe a vatere Wilma.

Mughuhura, pamwaka ronambiri (12), Wilma a korerere nakuvhura kuyenda a hana virughanito ndi mbatero kehe yino yaghupangi. A tokora kutulira ntere mauvera ghendi naghantje nakutameka kutikita mo lirwameno lyandjodi yendi yakukuhamitira mumaudano. A kuhamitire mughudano wabara yakukutambayika (basiketi) pashure, a ya mudimburura wangu-wangu mudeghuli wamaudano wevi vyakuduka navivyamushira shamaudano.

Apa a kulire a tikite mwaka ronantayimwe (16) muruku tupu rwamwaka ne (4) uye ana verukiliri kuvera ogho wamukongo, Wilma a wana livango mumarumbatano ghamaudano ghaOlympic muAmerika ghakuduka naghavivyamunda yashira shamaudano mumwaka 1956 omo a fundire a wane medaliye yaburonzi (livangolyautatu).

Mumarumbatano ghakaliro mumwaka wa 1960, ghaOlympics Wilma kwaya fundire ngwenya wapantambo yaudjuni omo a yuvikire ashi lipendakadi lyakuduka ngudu muvitimwitira vyamuudjuni naghuntje. Muruku rwakutompota mumarumbano Wilma kwavyukire kushirongo shavo kuTennessee oko a ka kutuntikire ashi Nguurukurona kuna kara nalighano lyakuwapayika shipito shalishamberero shakuya mu tambura. Wilma a shwenine kulihamitira mushipito osho mukonda yakunongonona ashi shilika osho nga shikakara murupe rwalikutondoworo parudi. Lipiro kutambura shipito osho a ghayalire kutura po Nguurukurona vyarenkitire Wilma a tokore kupitakana kudoropaghona yavo yalidina Clarkville, oko vaka mu shambililire vantu navantje kumwe mukunegheda likukwatakano nalirughaneno kumwe. Litokoro lino lyakupitakana kudoropaghona yavo lyayititire rwakuhova likukwatakano nalirughaneno kumwe mukatji kavantu vamarudi ghakukushuva-shuva.

A kuhamitilire mumatapo marunyegheno mushitata dogoro nange veta dakukurenkerera mo parudi va di shaghikitire po.

Wilma kwa ya shaghikire kuduka mumwaka 1962, kumwe nakuyenda kushure yaushongi omo a ka wanine ndjapo yendi yapantambo yaushongi pankurushure yaTennessee oko a wanine mbatero yamaliva ghakukushongita. Uye kwakalire mushongi namudeghuli wamaudano ghakuduka.

“Likuyuvho lyande lyakutikilira mo viwana ovyo na kara navyo vyandjilire ruhafo ngudu, liketo lyande lyamedaliye ntatu (3) dangorodo mumarumbatano ghamaudano ghaOlympic. Ame nayivire ashi vininke vino naghumweshi wakuvhura kuingupa nampiri kadidi, narumweshi”.

“Vyakara mulyo ngudu kukwande mukurughana navanantjoka. Na huguvara nakudimburura kutulita po vampititi vangandi vakutuda muvantu varenkerera mo ndi va piro ghughambero. Ame kwapura ashi shamulyo ngudu muliparu lyande shakurughana kumwe navanantjoka. Ngo maghano ghande ghakaliro kehe pano mukutulita po makukwamo kupitira mumaudano namakushongo ghavavaruhepo.”

Ghungwenya waWilma wayitire shitetu kuvakamali vaunyendi unene po ava karumbatananga navo va kuture mo. Vininke vino vyarenkitire vakamali vamwe yira Florence Griffith Joyner ogho a kaliro naughudito wakutikita mo ndjodi yendi. Muruku rwamfa dendi mumwaka 1994, shingi shavo kava kondjeranga mukuyatapa mfumwa kulivhurukiro lyendi panamuntji mbunga yovatoti yamaudano ghavakamali kwatapa ushwi wamakorangedo (Wilma Rudolph Courage Awards) kuvakamali ava vana kupita ngo mumaudito ghalitikitomo vyamaudano ghavo.

Shintjwantjo shashiwa sha Wilma kushiwana panamuntji mukatji doropa yavo, yalidina, Clarkville. “Narumweshi kushentja ndjodi nankondo davininke ovyo a hora murwana umwe. Natuvantje vamwe tupu ntani twa shetakana. Ovyo a kara navyo kehe muntu ushwi wendi a wana kwa Shankendengere.

(© Wikipedia)

- 3 Shetakanita makufano ghamaudito naviwanamo vyaNatalie du Toit naWilma Rudolph muvivarurwa vino **viviri**. [20]
- 4 Kuture ashi ndi ove Wilma Rudolph wa tuliko mbapira yavishorokwa vyakeheli yuva omo kaghupungura ovyo vyakupito navighayara vyoye. Tjanga ngoli mbapira yavishorokwa vyakehe liyuva omo u demenena po pavipimpo vyavinene ovyo vyakupito muliparu lyoye.

Tjanga mwara nkango **200 - 250**. [20]

BLANK PAGE

BLANK PAGE